

## 《淨土生無生論導讀》補充講表

◎附表九：糅合《淨土生無生論親聞記》、《淨土生無生論講義》、《淨土生無生論會集》

○故古德云：「諸佛心內眾生，塵塵極樂；眾生心內諸佛，念念證真。」

◆約彌陀性具言之，既備十界，則娑婆眾生，乃彌陀心內究竟之眾生；悟則俱悟，不但本具佛界成悟，即本具九界眾生亦復成悟。佛居常寂光土，圓具四土，不但本具佛界依報，皆極樂；即所具九界依報，亦皆極樂。極樂世界若微塵之不可勝數，故曰：「塵塵極樂」。

◆又約眾生性具言之，亦既具足十界，則極樂彌陀，乃我眾生心內之諸佛；雖迷則俱迷，而所具佛界始終不受其迷。不但一念能證真如，而且念念常證真如。故曰：「念念證真」。

### ○第六、境觀相吞門

◆「境」為所觀，即觀照之境界。「觀」（去聲）為能觀，即觀照之理智。一切行門，二字攝盡矣！如《佛說觀無量壽佛經》，觀之一字為能觀之「觀」。無量壽佛為所觀之「境」。

經明十六觀，觀觀如此。至於楞嚴二十五門，圓覺二十五輪，乃至尋常日用之飲食起居，行住坐臥，名雖不同，無非境觀而已。

◆「相吞」喻境觀之互遍互具，如互相吞吐也。或疑境觀乃觀想念佛之法，以為持名念佛與境觀無關；而不知名亦為境，持亦為觀。乃至焚香、禮佛以及發願迴向，皆有境觀寓於其中。凡屬行持，靡不適用。

○十六等諸境，事理兩種觀；彼此互相吞，如因陀羅網。

◆「十六諸境」，即《佛說觀無量壽佛經》之十六妙觀也。初「依報觀」有六：一日、二水、三地、四樹、五池、六總，其次，「正報觀」有七：七華座、八像、九佛身、十觀音、十一勢至、十二普、十三雜。十四、十五、十六為「九品往生觀」。

◆此十六境，《觀經妙宗鈔》以事理二觀釋之。事觀但觀十六事境，一一唯識所現，《占察善惡業報經》謂之唯心識觀，觀成則隨位往生。理觀須了知十六觀惟是一心，本不生

滅，一一皆是實相，《占察善惡業報經》謂之真如實觀。

◆經文但有「是心作佛，是心是佛」二句，擴而充之，合云「是心作日，是心是日」，以至九品之中，隨境作觀，莫不皆然。從修觀而言，名為心作；從性具而言，名為心是。若但知作佛而不知是佛，則佛非固有，何異權乘？若但知是佛而不知作佛，則佛非修證，何殊魔外？二者必須具足，方得謂之觀成，觀成皆得隨位往生。

◆「因陀羅」乃帝釋天之名，具足應云：釋迦提婆因陀羅，或稱釋提桓因。譯意為能天主，俗稱玉帝。此天有網，故曰：因陀羅網。此網以寶珠綴列而成，光耀互射，無能無所，故取以喻境觀之「相吞」也。境觀雖說相吞，而歷境必先修觀，修觀必先事觀。蓋事可攝理，亦可攝事，若捨事觀理，則如同波外求水，雲外覓月。此南嶽大師所以深誠初心行人，須在依他及分別性中修正修觀，而不許驟觀圓成實性也。

○論曰：「境觀相吞」者，正由事事無礙也。

※《靈峰宗論》卷第三之一云：「問：天台三觀，得攝法界觀否？答：非一心三觀，何得

事事無礙；非事事無礙，何名一心三觀。」

◆「事事無礙」，乃賢首宗杜順和尚四法界之一。法界：指一切眾生身心之本體也。

一、事法界：謂眾生色心諸法，一一差別，各有分劑，故名事法界。分劑：限量也。

二、理法界：一切色心諸法，雖有差別，而同一體，故名理法界。

三、理事無礙法界：謂理由事顯，事攬理成；理事互融，故名理事無礙法界。

四、事事無礙法界：謂一切分劑事法，稱性融通，一多相即，大小互融，重重無盡，

故名事事無礙法界。今之「境觀相吞」，同彼第四，仍論性具，稍異於彼。

○事事所以無礙者，所謂有本者如是也。

◆「有本者如是」，語出孟子。原文云：「原泉混混，不舍晝夜，盈科而後進，放乎四海，

有本者如是。」今借泉源為水之本，以喻事事無礙，本於法界圓融體，即眾生介爾一念

心性（自性彌陀）。

○蓋由法界圓融不思議體，作我一念之心；亦復舉體作生作佛：有何一法不即法界？

◆此簡明一念心之所以事事無礙。謂「法界圓融不思議體」者，乃性具即性體性量之一真法界，真如不變之體也。「作我一念之心」者，隨緣之用也。舉體者，舉真如不變之全體，以作種種隨緣之用，而非法界少分。「既皆全體而作」，即「有本者如是」也。

※《阿彌陀經要解親聞記》云：「舉實相之全體，作依正，作法報；乃至作能讚所讚，一皆依實相為正體也。依謂依報，即極樂之四土。正謂正報，即彌陀世尊觀音勢至等。如人之色身為正報。所依之房屋大地，名為依報。然一切依正等法，皆為自心本具。心若不具，何有依正等法！如樹木本具桌凳等器之性，謂之性具。假木匠之緣，造作而成，謂之事造。而器器無非是木。所以依正等法，無非實相。而舉實相之全體，非實相之少分。如窗隙中見太陽，乃見太陽之全體，非少分。在屋外見太陽，亦見其全體，非少分。故曰：舉體作依作正，作法作報，作自作他也。」

○故曰：一塵法界不小，剎海法界不大；多亦法界，少亦法界。

※《大乘止觀述記》云：「心能作一小毛孔，復能作一大城，此二皆是心性全體所作，不增不減，故毛孔之性，即是大城之性。既相即矣，寧不相攝？所以芥子納須彌，而芥子不增；須彌入芥子，而須彌不減。此約緣起之相言，故說大說小；實則心體上，並無大小之相。相生，心亦不生；相滅，心亦不滅，唯一湛寂常恒之不變真體而已。須知心性作一毛孔，復作大城。譬如心性作一眾生，復能作佛，心性原無大小。若著眾生相，心即非小似小矣。此修行人，所以須離相也。」

◆法界無大小，故曰：「一塵法界不小，剎海法界不大」。法界無多少，故曰：「多亦法界，少亦法界」。大小相容，一多相即，故曰：「事事無礙」，亦曰：「境觀相吞」也。